

Tagərība həan yu, hal hə həlagihini həan yu di ngə aw naama ngwə gəan

Tagərība həan

Aw dan dabu həan co di ay kəndəbəl ay yu busi ay yu lamba gas ay nəjiga. Gəre di ay silik hə kora dan co aw həan naji anə təbay ngwə, nəjiga aw.

Di ay leda ay yu habu ay yu caton ay yu jine ay yuu dan aw nəciagə rə kawi.

Zaki hə aw dan nəhəla lugu gə aro go, nətagəan kungu go, yo kuren, abi ney kənənga go.

Gəjan a gay aw juru ngwə, nəaru gəagu hal ngə yəka yugoy yu:

-Nəan dagoy tani go,

-Gəannaw cudə rə awal gə aguay go nəguay kajua hə kərgəbu go ay migəw ngənay ngwə,

-Nəguay kajua ay canser ay yu, bogə ay yu, asma ay,

Lugu ngəna nahəwuy ngwə, kudəbay go, nəhəm yabu ja go.

Hal hə həlagihini həan.

Ngə gəajunaw di ay busi ay yu, laba hə gas ay yu brike ay yu kədbəlay ay ja lugu akul kəla həan ja ngwə. Talaw busi ngundə kəlaw həral ngə aw nəci agə rə kawi ja.

Ngə gətal gənaw bədə aw a kəla hə fənaguay ja. Aari gətal gəannaw aw a cobay gədə lugu nəjan a agan.

Ngə gədakawnaw kəmbu a ngundə fənaguay ja, a kəla həan go ja.

Ngə gəcay naw di ay essas ay yu gas ay go a fənaguay ja ngə gətay naw alay pris hə kora go ja.

Gəlaw cuji silik həral go hamnə go

Di ngə aw naama ngwə gəan.

Kenaw lu gəkahalgunaw di ngə aw naci agə ga ahəm;

Ngə gəkahalgunaw aw hə gas amay ja;

Talaw jine amay gədə gəkoholgənaw kəri rə di ngə aw naci ahəm. Najı gədə aw naci agə di matala ngwə, cinaw ku rə həan gəte gədə gəcalaw gəlaw naw rə ngə aw həan ahəm goy ja.

Najı aw hə kora ngwə, calaw silik gəlaw naw gədə gəfajunaw pris gədə gəhəlaw kora rugo gəkenaw lu gəhalgunaw. Fajunnaw aw hə disonter.